

- совратишася, забыша все преславное чудес величество. Что же и Соломона от боголюбства отверже, повсюду препираясь? Добро быти напасти и лучши ослабы, и самая бо || земля, оставленная, — тернию и волчцу а. 79 об. мати бывает, прилежима же и мучима, — плодоносит, и лоза режема многоплодна, но и вода стоящая согнивает и смердит, нуждодвижная же и текущая, — сладка и потребна сущи. Сия вся притчи и образи жизни нашея поставишася господом, утоляя несмысленное дмение человеческое, яко полезну лечбу забыти и неразумию напасти обяза. Аще бо за ны себе даде благий наш владыка и господь, кую ползу ину не бы дал нам, иже преже от сложения мира царство проуготовавый? Нужда апостольское слово восприяти: долго || терпите, рече, братие, до пришествия господня, есть бо бог, тем же, аще хошем, аще не хошем, подобает нам лицу божию явитися. Кацем же убо тогда подобает быти? Точию напастным путем безбедно гордому оному часу приблизитися, яко же апостол научает, ибо искушение вашей веры содевает терпение, терпение же упование, упование же не посрамит. Тем же по божественному Златоусту не сие помышляем, яко да не постраждем что от кого, по сие точно едино помышляем, да на содеем кому что зло, ибо аще не подвижи, а. 80 об. ниже венцы, аще же не труд, ниже почести были быша, || аще кто рачительством ят есть прославитися Иисусу и совоцаритися с ним, той без при и без всякого ответа да спостраждет ему и претерпит с ним, вне врат пострада, его же держава, его же владычество, того веление, того честь, тому поклонание, тому слава, ему же сила, ему же величество, ему же царствовати во веки веков. Аминь.

**Послание Зиновия, старца Отни пустыни, к неким, вопросившим его о питии.**

- \* Заповедание вашего братолюбия зело тяжко, и бремя любовь ваша возложи на нашу плещу неудобь носимо, его же подъяти худости а. 87 ради || своя не могий стыжу бо ся просвещенным мужем беседовати, ни бо и подобно се. Дерзо бо есть, еже и осуждение не мало, преслушание же мучимо всяко и глаголати же, аще нам на ся глаголати есть. Нам бо от вас просвещатися есть божественнаго устава веление в недоумении же, еже о сем, что сотворити. Сего ради и долгомедление ответа нашего к вам, обаче своя ми убогия души или о моем погрешении и вам помыслих явлено сотворити.
- Богодухновенное убо писание ветхое и новое весте известно, понеже а. 81 об. аз воспоманути же многаши и ветхому || священному писанию, яже от пьянства беду, и в первых принесе праотца нашего Ноя. Той бо вторый родоначальник бысть до потопа. И потом Лота упоена повесть, иже всяку душу в трепет и ужас вложити могущу и не оставляющи нимало поползнутися, еже непщевати вины о гресе, рекше изветы творити согрешению, аки бедую принужден или неведение непщевати или неразумия вину прилагати. И о Лоте убо оставляю плач, паче бо мя обаче о сем великаго а. 82 Василия беседование хотяй да прочтет. О втором же родоначальнице Нои все отцы отвещают праведне, яко первые пит вино и сего ради упися Ной, яко меры питию еще не навиче познати. Сего ради и не вмняшеся в грех праведному. Пит бо вино Ной не за еже упитися ему, но вкус познати, и разумев вкушением, яко подобны питию и блажайши естеству, неже вода, яве же от сего, яко пит Ной за еже утолити жажду. И поне вино пит, бысть упитися Ноеви неволею, не ведущу пьянства сущаго в вине. Аще же и без греха бысть пьянство праведному, яко же слово